



## IPTA dan IPTS Diseru Sediakan Pengajar Klinikal Berkualiti



*Ketua Setiausaha Kementerian Kesihatan Malaysia, Dato' Sri Dr. Mohd. Nasir Mohd Ashraf bertukar dokumen dengan Datuk Naib Canselor, UPM.*

**KUALA LUMPUR, 14 Januari** – Institut Pengajian Tinggi Awam (IPTA) dan Institut Pengajian Tinggi Swasta (IPTS) disaran agar menyediakan pengajar klinikal yang mencukupi bagi menampung keperluan kurikulum Sains Kejururawatan dan Sains Kesihatan.

Menteri Kesihatan Malaysia, Dato' Sri Liow Tiong Lai berkata pihak IPTA dan IPTS perlu mengambil kira pengalaman kerja pengajar klinikal sekurang-kurangnya mempunyai tiga tahun.

"Ini adalah penting bagi memberikan pengalaman klinikal kepada pelajar dengan lebih berkesan serta memastikan pelajar jurusan berkenaan memperolehi kemahiran yang secukupnya apabila berada di penempatan klinikal," katanya pada majlis menandatangani memorandum perjanjian (MoA) di antara Kementerian Kesihatan Malaysia dan IPTA/IPTS.



*Ketua Setiausaha, Kementerian Kesihatan Malaysia, Dato' Sri Dr. Mohd. Nasir Mohd Ashraf bertukar dokumen dengan Datuk Naib Canselor, UPM.*

Sementara itu pada majlis yang sama, Universiti Putra Malaysia (UPM) telah menandatangani memorandum perjanjian (MoA) dengan Kementerian Kesihatan Malaysia (KKM) bagi penggunaan fasiliti di KKM.

Naib Canselor UPM, Prof. Datuk Dr. Nik Mustapha R. Abdullah berkata dengan adanya memorandum itu pelajar UPM yang mengikuti jurusan pelajar kejururawatan dan sains kesihatan boleh menggunakan kemudahan latihan di klinik kesihatan dan hospital di bawah KKM.

“Perjanjian ini diharapkan membantu pelajar kejururawatan kita menjalani latihan amali secara efektif bagi mencapai piawaian serta kualiti yang dikehendaki oleh pihak KKM,” katanya.

Sebanyak 40 IPTA serta IPTS yang mengendalikan pengajian Sains Kejururawatan dan Sains Kesihatan turut menandatangani memorandum perjanjian ini.

Upacara menandatangani memorandum ini disaksikan oleh Menteri Kesihatan Malaysia, Dato’ Sri Liow Tiong Lai, serta Ketua Setiausaha Kementerian Kesihatan Malaysia, Dato’ Sri Dr. Mohd Nasir Mohd Ashraf. Turut hadir, Dekan Fakulti Perubatan dan Sains Kesihatan, Prof. Dr. Azhar Md. Zin.



*Menteri Kesihatan Malaysia, Dato' Sri Liow Tiong Lai menyampaikan ucapan di Majlis Menandatangani Memorandum Perjanjian (MoA) di antara Kementerian Kesihatan Malaysia dan IPTA/IPTS.*

**Berita ini disediakan oleh Seksyen Media, Bahagian Komunikasi Korporat UPM. (Eszereen Juferi 03-89466013)**